

SAKANA

Ikasleek sexu-indarkeria gaitzetsi dute

Emakumeen Aurkako Indarkeriaren Ezabapenerako Nazioarteko egunaren kontura egindako ekitaldian izan da

Aurten estatuan euren bikotekideak edo bikote kide ohiak eraildako 45 emakumeen izenak eta adina esanez bukatu zuten ikasleek sexu-indarkeria gaitzesteko adierazpenaren irakurketa astelehenean. Aralariko Mikel Donea institutua, Iñigo Aritz ikastola eta Sagrado Corazon ikastetxeko DBHko 4. mailako ikasleak eta Lanbide Heziketakoak parte hartu dute ekitaldian: 250 bat. Guztiak adierazi zuten ez dutela sexu-indarkeriaren agerpen mota bat bera ere onartzen. Aldi berean, indarkeria jaso edo erailak izan diren emakumeenganako elkartzatuna aitortu zuten.

Adierazpena

Ikasleek, hasteko eta behin, ohar-tarazi zuten "Nazio Batuen Erakundeak esanetan sexu-indarkeria giza eskubideen eta oinarrizko askatasunen urraketarik larrienetako bat" dela. Eta azal-

du zuten ez dela berdinaren arteko gatazka soilik, ezta emakumeen arazoa soilik, jendarte guztiarena" baizik.

"Indarkeria honen jatorria jendartean errota da. Hau da, gure antolakuntza sistema patriarkalean errota". Ikasleek adierazi zuten, "jendartearen arlo guztietan gauzatzen da genero berdintasun eza eta diskriminazioa, baita adin, kultura eta herrialde guztietan gertatzea ere". Emakumeak emakume izate hutsagatik pairatzen duten indarkeria salatuz zuten: kalte fisiko, sexual, psikologiko nahiz ekonomikoak ekartzen edo ekar dezakeena, baita mehatxuak eta derri-gortzeak edo emakumeen askatasunaren murrizketak ere.

Ikasleendako argi dago sexu-indarkeria ez dela iraganeko gaitza. "Emakumeen aurkako indarkeriak hamaika aurpegi ditu, eta den-denak, gaur egun ere indarrean dirauen berdintasun-ezaren isla dira". Horren kontra hezkide-



Ikasleek aurten eraildako 45 emakumeak izan zituzten gogoan.

Datuak

Osasunaren Mundu Erakundeak "emakumeenganako indarkeria mundu guztian arazoa da, epidemia gisako proportzioak dituena". Ikasleek azaldu dutenez, munduan 15 urtetik gorako emakumeen %35ak (920 milioi emakume) pairatu du noizbait bere bikotekidearen indarkeria fisikoa edo bikotekidea ez den norbaitek eragindako sexu-erasoa. Espainiako gazteriari buruzko azken azterlanak (2012. urtekoa)

adierazten du behar izanez gero ia gazteen laurdenak uste duela emakumea dela etxean geratu behar dena adingabeak zaintzen. Ikasleek ziurtatu dutenez, "gazteen artean oraindik ikuspegi sexistak daude genero-rolen inguruan eta hauek indarkeriaren haziak dira". Eta gaineratu dute indarkeria sexista mota berriak (ziberjazarpena edo sexting) sortzen ari direla.

Joan zen urtean estatuan sexu-indarkeria dela medio eraildako 52 emakumeetatik 15ek 30 urte

baino gutxiago zuten. 16 urte baino gazteagoen sexu-delituko %33ko igoera izan dute aurreko urtearekin alderatuta. Nafarroan, 2012an indarkeria matxistagatik aurkeztutako 3 salaketatik 1 emakume gazte batena zen. Altsasuko Udalak, Emakumeen Bilgunearen eta Kultura zerbitzuaren bitartez antolatuta da adierazpena. Horren ondoren, lortia kultur gunean *La bicicleta verde* filma ikusteko aukera izan dute. Saudi Arabian bizikleta bat eskuartzen duen neska baten istorioa.

izan oinarritutako hezkuntza sistema aldarrikatu zuten. Bildutakoek "emakumeen eta gizonen

arteko benetako berdintasunaren aldeko apustua egiten dugu, parekidetasunean, baliokidetasunean,

elkarrenganako errespetuan eta tratu onetan oinarritutako harremanak sustatuz".

Sexu indarkeria, lehen mailako arazoa

Eta mundu guztian. "Indarkeria matxista gizarte, politika eta kultura arazoa da, gizonek emakumeengan ezartzen duten botere erlazioan eta zapalaketan gauzatzen da". Hori baieztatuz astelehenean, emakumeen aurkako indarkeriaren ezabapenerako nazioarteko egunaren kontura Altsasuko Feministak eta Bilgune Feministak antolatutako kontzentrazioan. 45 bat pertsona bildu ziren.

Bierakundeetako ordezkariak gaineratu zuten sexu-erasoak ez direla kasu isolatuak, ezta bikote erlazio soilak ere. "Emakumeenganako indarkeriak ez du mugarik, egiturazkoa da eta modu asko-

tan azaltzen da; arlo guztietan eta gizarte, politika, kultura, justizia eta ideologia engranaje guztian presente dago". Horren guztiaren ondorioz emakumeen hiritartasuna gauzatzera trabatu, gelditasuna bultzatu eta emakumeen gorputzen gaineko kontrola sustatzen dela adierazi zuten.

Sexu-indarkeriari emandako erantzuna gizarte guztiak eman behar diola nabarmendu zuten. Aldi berean, egiturazko aldaketa sakonak eskatu zituzten, gizonezkoen eta emakumezkoen arteko botere erlazioak ezabatuko dituztenak. Emakumezkoen independentzia eta autonomia bermatu-



Etxarrin, Altsasun eta Olatzagutian egin ziren elkarretaratzeak.

ko duten baliabideak ere aldarrikatu zituzten.

Etxarri Aranatzan 30 bat bildu ziren Erasoen aurrean, autode-

fentsa leloa zuen pankartaren atzean. Altsasun, berriz, 45 bat izan ziren elkartu zirenak indarkeria sexistarik ez leloaren atzean.

Parte-hartzailea

Etxarriko elkarretaratzean bildutakoan artean hitzak zituzten paperak banatu zituzten. Haiekin jendeak bi panelosatu behar izan zituen. Batean ikusten diren eta ez diren tratu txarren piramide irudikatu zuten (erailketa goian, behoko mailetan irainak, mehatxuak, baliogabetzea, publizitate, hizkuntza edo umore sexistak). Bestean, auto eta defentsa galderei erantzuna eman behar zieten. Esaterako, emakumezkoak euren buruaren jabe izan nahi dutelako, salbatzailerik nahi ez dutelako edo defentsa fisikoaz aparte eguneroko erasoen aurrean izan beharreko jarrera (norberaren buruarekiko errespetu eta auto-estimazio oinarrituta).

ZERGATIK EZETZ ESAN CITROËNEN ESPERIENTZIARI?

ORAIN CITROËNEN, SEGURTASUN GEHIAGO, PREZIO HOBEAK.

www.citroen.es

SEGURTASUNA

LIKIDOEN MAILAREN KONTROLA DOAN

IBALAZTANTZONKONGELANTEA KRISTALGABETZALEA ETA SERBOKREKIDOA)

%30 DISTRIBUTIO KIT-A

PASTILLETAN, DISKOETAN ETA INDARGETZAILLETAN

LAZTARAKO PREZIOEN BERRIKAPETUAK DA DESKONTUA

LAZTARAKO	CITROËN C4 1.4 90kW	CITROËN C4 1.6 110kW	CITROËN C4 1.6 HDI 110kW	CITROËN C4 1.6 HDI 130kW
2013/10/15etik 2013/12/31era	215	215	290	290

Guztietako modurik onenak. Distribuzioa izan behar duen deskontua eskaintza ez dago berriz.

GURPILAK

NEURRIA	79.00	76.50	74.00
175/65 R14 82T	175/65 R14 82T	175/65 R14 82T	175/65 R14 82T

Bukatzeko prezioa dena berriz gurrpilak, muntaiak, oinetak, irabidutak, ekarriak eta zerbitzuak. Gurrpilak salapen onenagatik berrizko erabilerarako eskaintza ez da erabilgarria berrizko berrizketa araberako erabilerarako.

GAINONTZKO NEURRIETARAKO

%70 EKO DESKONTUA

2. GURPILEAN

Salapen onenagatik gaurko deskontua erabilerarako muntaietan. Eskaintza ez dago berriz.

PROMOZIOA 2013/10/15etik 2013/12/31era.

CITROËN

CREATIVE TECHNOLOGIE